

Crystal Independent Fundamental Baptist Church

SONG BUK

By JONAH ASKAI

*O sing unto the Lord a new song: sing unto
the Lord, all the earth. Psalm 96:1*

CRYSTAL INDEPENDENT FUNDAMENTAL
BAPTIST CHURCH,
WAU-WARIA

SONG BOOK

By JONAH ASKAI

Copyright © 2026 **Jonah Askai** and **Crystal Independent Fundamental Baptist Church, Wau-Waria**

This work was supported by the Crystal Independent Fundamental Baptist Church, Wau-Waria, Papua New Guinea.

License

This songbook is licensed under the Creative Commons Attribution–NonCommercial–NoDerivatives 4.0 International License (CC BY-NC-ND 4.0).

You are free to:

- Share — copy and redistribute the material in any medium or format

Under the following conditions:

- Attribution — You must give appropriate credit to the author
- NonCommercial — You may NOT use the material for commercial purposes
- NoDerivatives — You may NOT modify, adapt, translate, or build upon this work

Attribution Example:

“Song Book by Jonah Askai (2026), Crystal Independent Fundamental Baptist Church, Wau-Waria, Papua New Guinea.”

Important Notes:

- This songbook is intended for free use in churches, schools, and communities
- It must not be altered or sold without permission from the copyright holder

For permission to translate, adapt, or reproduce this work in any modified form, please contact the Publisher.

PNG University of Technology PRESS

Private Mail Box, Lae 411

Morobe Province

Ph: 473 4275 / 4276

Email: uni.press@pnguot.ac.pg

Website: www.unitech.ac.pg

This book is published as an open-access, non-commercial resource to support worship and Christian fellowship across Papua New Guinea.

 **CC BY-NC-ND 4.0**

Attribution–NonCommercial–
NoDerivatives 4.0 International

INDEX

Song No:

Asde na tude, tumora	44
Bihain yumi go long heven	56
Bikpela, bikpela	46
Bipo Jisas i stori long tupela man	21
Bipo mi stap longwe long God	23
God bai i stap wantaim yu oltaim	31
God bilong mi nau mi laik	6
Gutpala taim, gutpela taim	49
Gutpela Wasman, mi laikim tumas	27
I gat gutpela pren nau i stap wantaim mi	24
Jisas Hetpris bilong mipela	32
Jisas i gat laip	45
Jisas i stap long antap	12
Jisas Krai yu pren yu brata	40
King Jisas i kirap nau, Aleluya	10
Kirapim gut ol wok	37
Krais helpim mi, Krais helpim mi	48
Lotu i kirape nau, Bilong manmer	1
Marimari bilong Jisas na sori bilong em	57
Mi bihainim Jisas	30
Mi laik tok bilong mi na tingting bilong mi	51
Mi no save long tumoro	38
Mi nogat tok, mi kam tasol	16
Mi noken sem long Jisas Krai	25
Mi save long gutpela ples	13
Mi tingting long Kalvari	8
Mi wakabaut long rot i go long heven	53
Mipela bung nau long lotu	3

Nabawan King i stap klostu	19
Nau mi aninit long Jisas	34
Nau ol pasin bilong bipo i lus	35
O ol brata yupela kam	4
O Papa God, taim mi gat planti tingting	5
O, ol Kristen, yumi tingting	14
Ol man God i bin kisim bek ol mas kam	64
Olsem church mas litimapim name	50
Planti man na meri	36
Planti taim yu harim lotu	15
Salim tok long ol taun	7
Sapos yu gat trabel na planti wari	39
Sapose Satan pullim yu	9
Sapose yu laik lusim pasin nogut	18
Soldia bilong Krais, Kirap	26
Strong bilong mi i no inap	33
Taim bilong prea, taim bilong prea	41
Twelvpela disaipel i bihainim Jisas	52
Wanem samting wasim mi	47
Wanpela samting tasol inap	20
Yu bosim mi, God, yu bosim mi	28
Yu gat hevi, yu pulap long wari	42
Mi laikim yu Jisas	43
Yu gat strong long helpim mi	29
Yu kam helpim nau Jisas	22
Yu kam long Jisas kwiktaim tumas	17
Yumi singim song long God bilong yumi	62
Yumi tingting nau long Jisas	11
Yupela mas i kam nau	2

1 LOTU I KIRAPE NAU

1. Lotu i kirape nau, Bilong manmeri.
Lotu i gutpela, I helpim yumi.
Yu no kamape nating, God I wokim yu;
I gutpela Papa, Papa bilong yu.

Koress

*Yu kam nau long lotu,
Em I gutpela.
Yu ken kisim save,
Tingting gutpela*

2. Planti man long ol ples, I pulap long sin.
Ol i bikhet tumas, Ol i no stap klin.
Tasol God i save, Rausim sin b'long ol,
Long blut bilong Jisas, Em i klinim sol.
3. Yu bilipim Jisas, Em i strongim yu.
Sapose yu bihainim, I lukautim yu.
Stap klostu long Jisas, Em I holim yu.
Bai I bringim yu antape, stap oltaim oltaim.

Nek: Onward Christain Sodiers.

2 YUPELA MAS I KAM NAU

1. Yupela mas i kam nau,
Bilong mekim lotu.
Yupela lusim banis
Na kam sinduan klostu.
Yupela no stap nating,
Na no ken les nabaut.
God singautim yupela,
Yupela mas i kam.
2. God i gutpela Papa
Bilong ol mipela.
Olde i marimari
Long man i stap long graun.
Em i likautim yumi
Givim yumi kaikai.
Em i gutpela Papa
Bilong yumi Kristen
3. God em i laikim pasin
Olsem pasin b'long em,
kisim pasin b'long God
Na bai yu ken stap klin.
God em i strong olgeta,
Bilong helpim ol man.
Sapose yu beten long em,
Bai God i harim yu.

Nek: Stand up, stand up for Jesus.

3 MIPELA BUNG NAU LONG LOTU

1. Mipela bung nau long lotu.
Mipela laik kisim strong.
Jisas yuk am na stap namel,
Blesim ol toktok na song.

Koress

*Jisas, yu harim
Harim mipela beten.
Yu opim windua b'long heven,
Kapsatim blesing tude.*

2. Yu promis pinis long Baibel,
Yu stap wantaim Sios b'long yu.
Mipela save yu stap nau,
Tok bilong Baibel i tru.

Nek: There shall be showers of blessing.

4 OL BRATA YUPELA KAM

- 1. O ol brata yupela kam
Long lotu, harim gutnius.
Yupela no pas long sin nau,
Jisas rausim kalabus.**

- 2. Yupela mas rausim pasin
Bilong sakim maus b'long God.
Kam harim tok b'long Jisas,
Em wanpela em i rot.**

- 3. Yumi bung wantaim long lotu.
God i laik tokim yum
Long olgata stori b'long em
I bing dai long Kalvari.**

- 4. Papa yu kam, Jisas yu kam,
Holi Spirit yu kam tu.
Mipela olgata bung nau
Bilong harim tok b'long yu.**

5 O PAPA GOD

1. O Papa God, taim mi gat planti tingting,
Long olgata samting yu yet wokim.
Mi lukim sta, mi harim klaut i pairap.
Olgata samting soim strong b'long yu.

Koress

*Mi litimapim biknem bilong long yu,
Yu yet yu God, yu Bikpela.
Yu nambawan, yu antap olgata,
Yu wanpela, yu Bikpela.*

2. Taim mi tingting God i no pasim Jisas,
Em i kamdaun i dai long helpim mi,
Long diwai kros blut bilong em i kapsait,
Bel bilong mi em i kirap nogut.
3. Taim Kraist i kam na singaut long ol Kristen,
Na kisism mi i go long ples heven.
Mi brukim skru na givim biknem long em,
Tokaut long em, O God, yu nambawan.

Nek: How great thou art.

6 GOD BILONG MI NAU MI LAIK

1. God bilong mi nau mi laik
Litimapim nem b'long yu.
I no gat wanpela nem
I winim nem bilong yu.
Yu strongpela na yu boss,
No gat man I olsem yu.
2. God bilong mi nau mi laik
Litimapim nem b'long yu.
Yu as bilong long ol samting
Long antap na long graun tu.
Tok bilong yu em i stret,
Oltaim yu i stap klostu.
3. God bilong mi nau mi laik
Litimapim nem b'long yu.
Bipo yu salim Jisas
I kam daun long baim sin,
Na makim mipela klin,
Olsem mipela lotu.
4. God bilong mi nau mi laik
Litimapim nem b'long yu.
Mi opim maus bilong mi,
Tokim ol yu God tasol,
Jisas wanpela i rot,
Ol i mas bihainim yu

Nek: Rock of Ages.

7 SALIM TOK LONG OL TAUN

1. Salim tok long ol taun
Na ol ples bilong graun.
Ol man mas harim gut,
Dispela tok b'long God.
Jisas promisim ol,
Taim i go long heven,
“Poroman bai i kam.”

*Poroman i bin kam (2X)
Holi Spirit b'long God,
Em yet i poroman.
Salim tok long ol taun,
Na ol ples bilong long graun,
Poroman i bing kam.*

1. Yupela harim gut,
Dispela tok b'long God.
Jisas i go antape,
Wantaim Papa i stap.
I no lusim tingting,
Long promis bilong em,
I salim Poroman.
2. Holi Spirit i stap,
Na strong b'long em inap,
B'long pulimapim yu,
Long helpim yu stap tru.
Strong i stap long yet,
Long winim ol samting,
Poroman i bin kam.

8 MI TINGTING LONG KALVARI

1. Mi tingting long Kalvari,
Blut b'long krais Wasim mi,
Rausim sin na klinim mi.
Tenkyu tru long kalv'ri.

Koress

*Diwai kros, diwai kros,
Diwai kros, b'long kalv'ri.
Diwai kros i soim mi
Rot i go long heven.*

2. Mi rabisman bilong sin,
Mi kam long diwai kros.
Sori bilong God i bin
Mekim bel b'long mi klin.
3. Mi tingting long Jisas Krais,
Mi bilip na mi stap
Wetim Jisas bai I kam,
Bringim mi long antap.

Nek: Jesus keep me near the cross.

9

SAMPOSE SATAN PULLIM YU

1. Sapose Satan pullim yu,
Yu go long Getsemani.
Lukim Jisas hevi moa,
Was wantaim em liklik taim.
Jisas lainim yu long prea,
Yu no ken lusim em nau.

2. Yu bihainim long kot tu,
Lukim Jisas kalabus.
Ol i paitim em nogut,
Ol i tok bilas long em.
Em i pasim maus tasol,
Em i karim pen b'long yu.

3. Yu goap long mounтен nau,
Brukim skru long diwai kros.
Jisas em i hangamap,
Blut bilong em i kapsait.
Harim singaut, "Pinis nau,"
Jisas em i dai long yu.

4. Yu ran kwiktaim long matmat,
Painim bodi i stap we?
Husat kisim em i go?
Jisas em yet i kirap,
Jisas daunim Satan tru.
Satan no ken bosim yu.

Nek: Rock of Ages.

10 KING JISAS I KIRAPE NAU

1. King Jisas i kirap nau, Aleluya.
Planti ensel mekim song, Aleluya.
Litimapim nem b'long em, Aleluya.
Mekim song yumi bekim, Aleluya.
2. Taim i dai i karim pen, Aleluya.
Bilong sin bilong yumi, Aleluya.
Long bringim yumi long God, Aleluya.
Em kirap no moa ken dai, Aleluya.
3. Em i winim pinis Satan, Aleluya.
Satan noken passim em, Aleluya.
Krais opim dua long heven, Aleluya.
Nau yumi ken go long em, Aleluya.
4. Jisas nau i stap antap, Aleluya.
Em i was long ol Kristen, Aleluya.
Bihainin i mas kam bek gen, Aleluya.
Yumi wok long wetim em, Aleluya.

[Easter Hymn]

“He is not here: for he is risen”,... Mat 28:6

11 YUMI TINGTING NAU LONG JISAS

1. Yumi tingting nau long Jisas,
Em i marimari long yumi.
Em i bin go bek long heven,
Redim ples bilong yumi.

Koress

*Bai yumi (2x) lukim Jisas,
Bihain yumi olgata amamas.
Yumi stap wantaim em,
Olsem i gutpela tumas.*

2. Nau yumi bilip long Jisas,
bai yumi i stap wantaim em.
Em i tok long kisim yumi,
Bihain em i kam bek gen.
3. Nau yumi pait wantaim Satan
Long daunim pasin nogut.
Yumi pait long strong b'long Jisas,
Na yumi ken i stap gut.
4. Jisas Bikpela bilong mi
Yu bin givim bel long mi,
Yu bin dai long kisim bek mi,
Bai yu kam bek kisim mi.

Nek: When we all get to heaven.

12 JISAS I STAP LONG ANTAP

1. Jisas i stap long antap
Redim ples long ol Kristen.
Kristen tru bilong Jisas
Bai i stap wantaim em.

Koress

*Bihain Jisas i kam bek,
Bilong kisim ol Kristen.
Kristen tru bilong Jisas
I go wantaim em.*

2. Nau mi askim, yu redi,
Redi long lukim Jisas?
Jisas no ken kisim yumi
S'pos yumi no klin.
3. Wanem samting i ken klinim
Redim yumi long heven?
Jisas i laik wasim yumi
Long blut bilong em.

Nek: When He cometh

13 MI SAVE LONG GUTPELA PLES

1. Mi save long gutpela ples,
No gat sik, nogat trabel i stap.
Jisas i bin go bek long antap
Bilong redim dispela ples.

Koress

*Yumi bung (2x) bambai (2x),
Yumi bung long gutpela ples.
Yumi bung (2x) bambai (2x),
Yumi bung long gutpela ples.*

2. Yumi no bel hevi long heven,
Taim yumi kisim dispela ples.
Yumi amamas na mekim song,
“Jisas Bikipela King bilong mi.”
3. Husait i ken i go long heven?
Manmeri, na ol pikinini,
Ol bilip Jisas dai long diwai,
Bilong rausim sin bilong ol.

Nek: There's a land that is fairer.

14 O, OL KRISTEN, YUMI TINGTING

1. O, ol Kristen, yumi tingting
Long taim yumi go antap;
Bai yumi ken lukim Jisas,
Yumi amamas i stap.

Koress

*Bihain yumi lukim Jisas,
Antap long ples bilong em,
Ol samting b'long graun i pinis,
Yumi sindaun wantaim em.*

2. No moa kraikrai, no moa hevi,
Ol sik, sua i pinis tu.
Nogat traim, nogat sori,
Bai yumi amamas tru.
3. Nogat sin i stap long heven,
Gutpela samting tasol.
Dai em i no ken kamap gen,
Yumi stap oltaim oltaim.

Nek: Face to face with Christ.

15 PLANTI TAIM YU HARIM LOTU

1. Planti taim yu harim lotu,
Jisas i ken stretim yu.
Bilong wanem yu no harim,
Yu no laik kam long Jisas?

Koress

*Harim Jisas, harim Jisas.
Jisas nau singautim yu.
Harim Jisas, harim Jisas.
Jisas i ken stretim yu.*

2. PLanti krismas yu stap nating
Long ol samting i nogut.
Hamas taim yu harim lotu?
Wanem taim yu tanim bel?
3. Longtaim Jisas i wet long yu.
Yu kam nau, yu kam long em.
Jisas nau i singautim yu,
Watpo yu no kam long em?
4. Yu bin mekim pasin nogut,
PLanti sin i stap long yu.
Sapose yu bilipim Jisas
I ken mekim yu klin tru.

16 MI NOGAT TOK, MI KAM TASOL

1. Mi nogat tok, mi kam tasol.
Blut bilong yu i wasim mi.
Nau yu yet yu singautim mi.
O Jisas Kraiss, mi kam, mi kam.
2. Mi nogat tok, mi bel hevi.
Tingting bilong mi i no stret.
Na bel bilong mi em i pret.
O Jisas Kraiss, mi kam, mi kam.
3. Mi no gat tok, mi stap tudak,
Na mi rabis, mi mekim sin.
God yu inap mekim mi klin,
O Jisas Kraiss, mi kam, mi kam.
4. Mi no gat tok, yu yet inap
Long tekewe sin bilong mi.
Yu tok na mi bilipim yu.
O Jisas Kraiss, mi kam, mi kam.

Nek: Just as I am.

17 YU KAM LONG JISAS KWIKTAIM TUMAS

1. Yu kam long Jisas kwiktaim tumas,
Jisas i tok, “Mi gutpela rot.”
Nau em i stap wantaim mipela,
Em i singaut, “Yu kam.”

Koress

*Yumi amamas nau long Jisas,
Em i lukautim yumi oltaim.
Satan i no ken mekim nogut,
Jisas i stap klostu.*

2. Yumi ken harim tok bilong God.
God i laikim yumi kam long em.
Jisas inap long rausim Satan,
Em i singaut, “Yu kam.”
3. Husait i laik bihainim Jisas?
Em i gutpela pren bilong man.
I save makim yumi orait,
Em i singaut, “Yu kam.”
4. Nau em i taim long kam long Jisas,
Nogut yu wetim taim bilong dai.
Mobeta yu kam long em tude.
Harim gut tok, nau kam.

18 SAPOSE YU LAIK LUSIM PASIN NOGUT

1. Sapose yu laik lusim pasin nogut,
I gat strong long Kraiss, long blut bilong em.
Sapose yu laik winim sin na stap gut,
I gat strong long blut bilong Kraiss.

Koress

*I gat strong, strong, strong b'long winim sin,
Long blut bilong Kraiss.*

*I gat strong, strong, strong b'long winim sin,
Long gutpela blut bilong Kraiss*

2. Sapose yu lusim pasin bikhet,
I gat strong long Kraiss, long blut bilong em.
Sapsoe yu laik strong long taim bilong pret,
I gat strong long blut bilong Kraiss.
3. Sapose yu laik autim tok bilong God,
I gat strong long Kraiss, long blut bilong em.
Sapose yu laik stap long gutpela rot,
I gat strong long blut bilong Kraiss.

Nek: Would you be free from your burden of sin.

19 NABAWAN KING I STAP KLOSTU

1. Nabawan King i stap klostu,
Nem bilong em i Jisas.
Tok bilong me i gut tumas,
Harim tok bilong Jisas.

Koress

*Olgata ensel mekim song,
Jisas em i nambawan King.
King bilong yumi Kristen,
Ol Kristen laikim Jisas.*

2. Jisas bin dai long helpim mi.
Nau mi bilip long Jisas.
Mi laikim tru nem bilong em,
Na mi bihainim Jisas.
3. Em i laik rausim sin b'long yu.
Harim tok bilong Jisas.
Yu tu ken i go long heven,
Bihain stap wantaim Jisas.

20 WANPELA SAMTING TASOL INAPE

1. Wanpela samting tasol inap
Long rausim ol sin long bel.
Mani na man i no inap,
Blut bilong long Jisas tasol.

Koress

*O blut bilong Jisas, tasol inap
Long rausim ol sin long bel.
Tru man no inap, mani no inap,
Blut bilong Jisas tasol.*

2. God i sori tumas long ol man,
Pasin nogut i pasim ol.
God i salim Jisas long baim bek ol,
Long blut bilong Jisas tasol.
3. Sapos yumi laik go long heven,
I gat wanpela rot tasol.
Askim Jisas mekim bel i klin,
Long blut bilong Jisas tasol.

Nek: Redeem how I love to proclaim it.

21 BIPO JISAS I STORI LONG TUPELA MAN

1. Bipo Jisas i stori long tupela man,
Wanpela i gat planti samting,
Tasol em i no tingting long taim bilong dai.
Em i no harim tok bilong long God.

Koress

*Nogut tingting bilong yu i pass
Long ol kago, mani na bilas.
Sapos yu givim baksait long God,
Bihain God givim baksait long yu.*

2. Dispela bungim kago, mani an bilas,
Em i no redi bilong i dai.
Bihain i dai pinis na i go stret long hel,
Na i singaut long pen na trabel.
3. Lasaras tu i stap, em i rabisman tru,
Em i no gat wanpela samting.
Planti taim i hangre, tasol taim em i stap,
Em laikim tumas Papa God.
4. Bihain em tu i dai, na ol man i no krai.
Em i wanpis i no gat wantok.
Tasol sol bilong em i go kwik long heven,
Amamas long i stap wantaim God.

Luke 16:19-31.

Nek: The Old Rugged Cross.

22 YU KAM HELPIM NAU JISAS

1. Yu kam helpim nau Jisas,
Mi singautim yu,
Taim yu kam long arapela,
Yu no lusim mi.

Koress

*Jisas, Jisas,
Mi singautim yu.
Taim yu kam long arapela,
yu no lusim mi.*

2. Taim mi makim pasin nogut,
Mi mekim long yu,
Mi gat sori, na mi singaut,
Jisas helpim mi.
3. Bel bilong mi em i doti,
Yu tasol i klin,
Yu ken rausim pasin nogut,
Mekim mi orait.
4. Tru mi makim pasin nogut,
Mi singaut long yu.
Husat nau mi ken bihainim,
S'pose mi lusim yu?

Nek: Pass me not, O gentle Saviour.

23 BIPO MI SATP LONGWE LONG GOD

1. Bipo mi stap longwe long God,
Nau mi kam long em.
Mi mekim planti pasin nogut,
Nau mi go long em.

Koress

*Mi go long God,
Nau mi askim em,
I Wasim bel bilong mi,
Bai mi ken stap gut.*

2. Mi les long mekim pasin nogut,
Nau mi go long God.
Satan i pasim mi oltaim,
Nau mi go long God.
3. Jisas mi laik yu kam insait,
Yu stap wantaim mi,
Yu rausim olgata nogut,
Yu lukautim mi.
4. Nau planti man i stap long ples,
I no save yu.
Yu strong tumas, yu tokim ol,
Ol i go long yu.

Nek: I've wandered far away from God

24 I GAT GUTPELA PREN NAU I STAP

1. I gat gutpela pren nau i stap wantaim mi.
Krais Jisas i stap wantaim mi.
Nau olgata nogut bilong bipo i lus,
Krais Jisas i stap wantaim mi.

Chorus

Krais Jisas i stap wantaim mi.
Krais Jisas i stap wantaim mi.
Pasin bilong long bipo
MI no laik mekim moa.
Krais Jisas i stap wantaim mi.

2. Mi no pret long i dai na long bikot nogat.
Krais Jisas i stap wantaim mi.
Bambai mi go stap wantaim em long antap.
Krais Jisas i stap wantaim mi.

Nek: What a wonderful change in my life.

25 MI NOKEN SEM LONG JISAS KRAIS

1. Mi noken sem long Jisas Kraiss,
I helpim mi oltaim.
I wasim bel na lusim sin,
Nau mi stap gut oltaim

Chorus

*Amamas, amamas,
Taim mi tingting long Jisas,
Em I dai long diwai Kros.
Em I rausim nogut bilong mi,
Nau mi kisim nupela laip.*

2. Jisas, bikpela bilong mi,
Yu givim laip long mi.
Baibel em igat tok olsem,
Yu klinim mi long sin.
3. Sapose mi autim nem bilong
Bikpela Jisas Kraiss.
Bihain bai em i autim nem
Bilong mi long heven.

Nek: I'm not ashamed to own my Lord.

26 SOLDIA BILONG KRAIS

1. Soldia bilong Kraiss, Kirap,
Wokabaut i go.
Yu bihainim Jisas,
No ken malolo.
Yu mas pait long Satan,
Em man bilong sin;
Jisas yet long diwai kros
Mekim yumi win.

Koress

*Soldia bilong Kraiss, Kirap,
Wokabaut i go.
Yu bihainim Jisas,
No ken malolo.*

1. Sios bilong God wokabaut,
I olsem ami.
Kristen bilong bipo,
Paslain long yumi,
Nau olgata Kristen
I mas stap wanbel,
Long bilip na pasin
Bilong givim bel.
2. Hetman save bagarap,
King tu i pundaun,
Tasol sios bilong Kraiss,
I stap yet long graun.
Satan em i no inap
Daunim sios b'long God,
Kraiss yet em i strong tumas,
Yumi sanap yet.

27 GUTPELA WASMAN

1. Gutpela Wasman, mi laikim tumas,
Em i bosim mi gut, Wasman Kraiss Jisas.
Em i dai long rausim nogut bilong mi.
Nau mi klin olgata, bel b'long mi hepi.

Koress

*Bihanim Jisas long olgata de.
Tudak na tulait, traim i kamap,
Jisas i go pas, mi no bagarap.
Mi no ken wari, Wasman em i stap.*

2. Taim mi laik lus na go long rot nogut,
Jisas i singaut, "Kam bek na stap gut."
Em i skulim mi long gutpela pasin,
Na putim mi bek long rot bilong em.
3. Wokaut i pinis, mi nogat rot moa,
Mi kamap long heven, go insait long dua.
Mi sindaun oltaim wantaim Wasman Jisas,
Mi stap gut olgata, planti amamas.

Nek: I have a Shephard

28 YU BOSIM MI, GOD, YU BOSIM MI

1. Yu bosim mi, God, yu bosim mi.
Yu Papa na mi pikinini.
Sapos mi gat sin yu stretim mi.
Mi krai long yu, yu kam bosim mi.
2. Planti taim sin i bin winim mi.
Yu kam na stretim bel bilong mi.
Bipo yu dai long ples Kalvari.
Olsem mi krai long yu wasim mi.
3. Mi garden b'long yu, yu wokim mi.
Planim toktok long bel bilong mi.
Yu mekim kaiaki kamap long mi.
Mi krai long yu, yu kam wokim mi.
4. Yu bosim mi, Krai, yu bosim.
Yu salim Spirit i kam long mi.
Mekim bel bilong mi stap isi.
Mi krai long yu, Krai, kam bosim mi.

Nek: Have Thine own way Lord

29 YU GAT STRONG LONG HELPIM MI

1. Yu gat strong long helpim mi,
Yu ken helpim mi stap gut,
Jisas yu pren tru b'long mi
Yu tasol, stap klostu long mi.

Koress

*Mi laik stap klostu long yu,
Em i laik bilong mi tru,
Olde yu stap wantaim mi,
Klostu Jisas, Klostu long mi.*

2. Satan i stap nau long graun,
Oltaim i laik paulim mi,
Strong b'long yu i winim em,
Sapos yu i stap wantaim mi.
3. Taim laip bilong mi pinis,
Na mi no stap long grun moa,
Yu ken bringim mi antap,
Na mi stap wantaim yu oltaim.

Nek: Just a closer walk with Thee.

30 MI BIHAINIM JISAS

- 1. Mi bihainim Jisas
Long olgata de.
Mi givim bel long em,
Bikpela b'long mi.
Mi no ken bel hevi
Long samting nogut.
Jisas i stap klostu
Na was long mi.**

- 2. Sapos rot i nogut
Jisas em i stap,
Mi holim han b'long em
Na bai mi no pret.
Mi wokabaut wantaim
Pren b'long mi Jisas.
Mi mekim wok b'long em,
Na mi amamas.**

- 3. Sapos mi stap long ples,
Jisas i stap tu,
Long ol work bilong mi,
Na taim mi lotu.
Long taim bilong beten,
Em i stap klostu,
Long olgata samting,
Em i helpim mi tru.**

31 GOD BAI I STAP WANTAIM YU OLTAIM

1. God bai i stap wantaim yu oltaim.
Em bai i soim rot long yu.
Em i holim yu long han tu.
God bai i stap wantaim yu oltaim.

Koress

*Bambai yumi, bamabi yumi
I ken bung long ples bilong Jisas.
Bambai yumi bung long Jisas,
God bai i stap wantaim yu oltaim.*

2. God bai i stap wantaim yu oltaim,
Em i bosim laip bilong yu.
Em i givim kaikai long yu.
God bai i stap wantaim yu oltaim
3. God bai i stap wantaim yu oltaim,
Taim hevi bilogn graun kamap.
Taim Satan i laik i kirap,
God bai i stap wantaim yu oltaim.
4. God bai i stap wantaim yu oltaim,
Taim yu stap hia em i sori.
Taim b'long dai i marimari.
God bai i stap wantaim yu oltaim.

Nek: God be with you till we meet again.

32 JISAS HETPRIS BILONG MIPELA

1. Jisas Hetpris bilong mipela,
Yu tingting nau long ol mipela,
Strongim mipela long wokabaut,
Bihainim yu, na bilong tokaut.

Koress

*Blut bilong yu i bin wasim mi
Long diwai kros bilong kalvari.
Dispela sori i stap long yu,
Mi tingting long em na mi lotu.*

2. Nogut mi kisim tupela bel,
Na lusim toktok bilong Baibel.
Mi laik holim strong tok bilong yu,
Oltaim mi laik stap klostu long yu.
3. Nogut tingting bilong mi i pas
Long moni na biknem na bilas.
Jisas yu kam na yu strongim mi,
Na mekim mi i kamap holi.
4. Nau mi bung wantaim sios bilong yu,
Yu kam na holim mi klostu tru,
Oltaim yu rausin sin bilong mi,
Na mekim bel bilong mi isi.

Nek: Blessed Assurance Jesus is Mine

33 STRONG BILONG MI I NO INAP

1. Strong bilong mi i no inap,
Long rausim sin, mi bagarap.
Tasol long blut bilong Jisas
Mi klin, na mi ken amamas.
Jisas em i bos bilong mi,
Em i bin dai long Kalvari,
Em i bin dai long kalvari.
2. Sori bilong Kraiss em inap
Helpim mi taim traime kamap.
Mi no strong, mi no lusim sin,
Tasol long Jisas mi stap klin.
Jisas em i bos bilong mi,
Em mekim mi kamap holi,
Em makim mi kamap holi.
3. Bel hevi karamapim mi,
Na klostu mekim mi pundaun.
Tasol mi save Jisas yet,
Na olsem mi no moa stap pret.
Jisas em i bos bilong mi,
Mekim bel bilong mi isi,
Mekim bel bilong mi isi.

Nek: My hope is built on nothing less.

34 NAU MI ANINIT LONG JISAS

1. Nau mi aninit long Jisas.
Em tasol mas bosim mi.
Mi givim baksait long Satan.
Em no moa ken pulim mi.

Koress

*Mi bilong Jisas
Bilong em tasol.
Holim mi olgata, Jisas.
Yu yet bosim mi.*

2. Ia bilong mi op long Jisas,
Mi laikim tok bilong em.
Mi laik work gutpela tumas,
Mekim wok bilong Jisas.
3. Nau mi kam long askim Jisas,
Was long mi olgata taim.
Pulimapim bel bilong mi
Long Holi Spirit b'long God.

Nek: All to Jesus I surrender.

35 NAU OL PASIN BILONG BIPO I LUS

1. Nau ol pasin bilong bipo i lus.
Bel bilong mi laikim tok bilong God.
Mi no moa ting long samting i nogut.
Blut bilong Jisas i klinim bel bilong mi.

Koress

Krais Jisas, Krais Jisas,

Mi givim bel long yu.

Pastaim yu sori moa long mi,

Nau mi tenkyu.

2. Bipo mi stap wantaim ol man nogut
Bipo mi no inap long pasin klin.
Mi save pret long dai na lukim God.
Tasol Jisas i mekim mi nupela nau.
3. Bipo Satan i pasim long sin.
Jisas i stretim mi, nau mi stap klin.
Bel bilong mi, em i tenkyu tumas,
Mi laik givim tok bilong Jisas long ol man.

36 PLANTI MAN NA MERI

1. Planti man na meri
No bihanim Jisas.
Satan yet i pasim
Tingting bilong ol.
Jisas em i dai long helpim ol mammeri.
Jisas em i laikim ol i kam long em.

Koress

*Mi mas tokim ol, mi mas tokim ol.
Wok bilong ol Kristen, bilong tokim ol.
Mi mas tokim ol, mi mas tokim ol.
Wok bilong ol Kristen, bilong tokim ol.*

2. Sapos mi go tokim
Plenti man na meri,
Ol i ken bihainim Bikpela Jisas.
Jisas i ken wasim bel bilong olgata.
Em gutpela samting,
Mi mas tokim ol.

Nek: Bringing in the Sheaves

37 KIRAPIM GUT OL WORK

1. Kirapim gut ol wok
Bilong yu Papa God,
Tok bilong yu i mas i go
Long ol man long ol ples

Koress

*Kirapim gut ol wok
Bilong yu Papa God,
Bai planti man na meri tu,
Ken tanim bel long yu.*

2. Bel bilong ol i pas
Long samting bilong graun,
Yu paitim bel na ol i pret,
Na tanim bel long yu.

38 MI NO SAVE LONG TUMORO

1. Mi no save long tumoro,
Mi wakabout long tude.
Mi no wari long ol traim,
Jisas helpim mi long prea.
Bihain mi ken go long heven
Na stap wantaim Jisas,
Bai lukim pes bilong em
Na mi amamas tumas.

Koress

*Mi no save long tumoro,
Wanem samting bai i kam.
Tasol God bilong tumoro,
I ken helpim mipela.*

2. Mi no wari long tumoro,
Pen na sik i ken i kam.
Jisas Krai em i bikpela,
Bilong stretim ol wan wan.
Sapos sin na pasin nogut
I paulim bel bilong yu;
Brukim skru, singaut long Jisas,
“Wasim mi long blut b’long yu”

Nek: I don’t know about tomorrow.

39 SAPOSE YU GAT TRABEL AN PLANTI WARI

1. Sapos yu gat trabel na planti wari,
Yu no amamas na bel i gat hevi.
Kaunim blesing bilong yu, God em i stap.
Long olgata samting tru God em inap.

Koress

Kaunim blesing, tingim 1,1,1.

Kaunim blesing, tingim 2,2,2.

Kaunim blesing, tingim 4,4,4.

Kaunim blesing bai i kamap planti moa.

2. Taim yu lukim arapela ol samting,
Yu no ken mangal na pulap long tingting,
Kaunim blesing bilong yu na amamas,
Blesing bilong God antap – planti tumas.
3. Taim yu tingting laip b'long yu i hat tumas,
Ol i lap long yu i bihainim Jisas,
kaunim blesing bilong yu na kaunim gen,
Klostu bai yumi Kristen go long heven.

Nek: Count your blessings.

40 JISAS KRAIS YU PREN YU BRATA

1. Jisas Kraiss yu pren yu brata,
Karim sin bilong ol man,
Oltaim mi gat tok, yu harim,
Wanem samting mi ken tok.
Taim ol man i ting long pait,
Na long taim sua em i pen,
Watpo mi no mekim beten?
Watpo no singautim yu?
2. Satan oltaim i laik giaman,
Trabel em i stap nabout,
Tasol yumi no ken pret,
Mekim beten long Jisas.
Husat em i tru long yumi?
Husait i ken helpim mi?
Jisas i save olgata,
Mekim beten long Jisas.
3. Bel i hevi, mi laik krai,
Planti tingting i kamap;
Mi laik hait long yu nau Jisas,
Yu ken strongim mi oltaim.
Taim man i gat kros long samting,
Me beten kwiktaim long yu.
Jisas was long mi i stap.
Jisas i lukautim mi.

Nek: What a friend we have in Jesus.

41 TAIM BILONG PREA

1. Taim bilong prea, taim bilong prea,
I singautim man i stap hia.
Singautim mi bilong mi go
Long God na kisim malolo.
Krai bilong mi ken go long God,
Na tokim em long mi i sot.
Mekim askim bilong mi klia.
Toktok long God taim bilong prea.
2. Taim bilong prea, taim bilong long prea,
Maus i hevi, tok i no klia,
Tasol i save kamap stret,
Taim Jisas bringim long God yet.
Jisas, namelman, i sori,
Em i harim prea bilong mi,
Na em i save givim stia
Long mi long taim mi kam lopng prea.
3. Taim bilong prea, taim bilong prea,
Yu strongim mi taim mi stap hia.
God bai i bekim tok bilong sori.
God em i God bilong sori.
Bihain mi go long heven tu,
Sanap long pes bilong God tru.
Dispela taim bai mi tok klia
Mi laikim tumas taim b'long prea.

42 YU GAT HEVI, YU PULAP LONG WARI

1. Yu gat hevi, yu pulap long wari,
Yu tokim Jisas, yu tokim Jisas.
Yu tingting long trabel bilong asde,
Yu tokim Jisas tasol.

Chorus

*Yu tokim Jisas, yu tokim Jisas,
Em i pren tru bilong yu.
Em i save long olgata samting,
Jisas i laik helpim yu.*

2. Sapos ai bilong yu i gat wara,
Yu tokim Jisas, Yu tokim Jisas.
S'pos yu pret long kain kain samting nogut,
Yu tokim Jisas tasol.
3. S'pos yu ting long dai na yu gat hevi,
Yu tokim Jisas, yu tokim Jisas.
Yu pilim nogut long sin bilong yu,
Yu tokim Jisas tasol.

43 Mi laikim yu Jisas,
Mi laikim yu Jisas,
Mi laikim yu jisas,
Yu Bikpela bilong mi.

Nek: Oh how I love Jesus.

44 Asde na tude, tumora,
Jisase em i stap.
Ol i dai dai na Jisas no ken,
Em i stap oltaim.
Em i stap oltaim,
Em i stap oltaim,
Ol i dai na Jisas no ken,
Em i stap oltaim.

Nek: Yeterday, today, forever.

45 Jisas i gat laip,
Jisas i gat laip,
Blut bilong em i wasim mi,
Strong bilong em i helpim mi,
Laip bilong em i givim mi.
Krais Jisas i gat laip.

46 Bikpela, bikpela,
Sori bilong God i gutpela
Bikpela, bikpela,
Sori bilong God i bikpela

47 Wanem samting wasim mi?
Blut bilong Jisas em taso.
Wanem samting wasim m?
Blut bilong Jisas em tasol.
Jisas i dai long mi
Long maunten Kalvari.
Wanem ken rausim sin?
Blut billong Jisas em tasol.

Nek: What can wash away my sin?

48 Kraus helpim mi, Kraus helpim mi.
Taim ol man i no inap, Kraus helpim mi.
Kraus helpim mi, Kraus helpim mi.
Taim ol man i no inap, Kraus helpim mi.

Nek: Love lifted me.

49 Gutpala taim, gutpela taim,
Taim Jisas rausim sin b'long mi.
I lanim mi mekim beten
Mi amamas olgata de.
Gutpela taim, gutpela taim,
Taim Jisas rausim sin b'lo mi.

50 Olsem church mas litimapim name,
B'long God long name b'long Kraiss.
Olsem church mas litimapim name,
B'long God long name b'long Kraiss.
Inape long taim bihain, bihain,
I go, i go, I go moa yet.
Olsem church mas litimapim name,
B'long God long name b'long Kraiss.

Nek: Unto him be glory in the church (Ef 3:21)

51 Mi laik tok bilong mi na tingting bilong mi,
I ken orait long ai bilong yu.
Mi laik tok bilong mi na tingting bilong mi,
I ken orait long ai bilong yu.
O God, mi prea, O God, harim.
Mi laik tok bilong mi na tingting bilong mi,
I ken orait long ai bilong yu.

Nek: Let the words of my mouth (Psalm 19:14)

52 Twelvpela disaipel i bihainim Jisas.
Saiman, Pita, Andru, Jems na brata Jon.
Filip, Tomas, Matyu, Jems i narapela,
Tadiah, Mataias, na Batolomyu.
Mi bihainim tu; mi bihainim tu;
Mi bihainim Jisas. Wanemn au long yu?
Mi bihainim tu; mi bihainim tu;
Mi bihainim Jisas. Wanemn au long yu?

Nek: Bring in the sheaves.

53 Mi wakabaut long rot i go long heven,
Na Jisas i go wantaim mi.
Mi no ken pret long samting b'long tumora,
Nau Jisase em i pren b'long mi.
I stap klostu long mi oltaim,
Long rot, long ples, long lotu tu.
Mi wakabaut long rot i go long heven,
Na Jisas i go wantaim mi.

53 Mi save God i soim rot long mi
Mi save God i soim rot long mi.
Mi lusim pasin i nogut,
Bihainim laik bilong em tru,
Mi save God i soim rot long mi.

54 I no gat krai long heven,
Ples b'long Papa God,
Ples b'long Papa God,
Ples b'long Papa God.
I no gat krai long heven,
Ples b'long Papa God.
Bai yumi stap gut oltaim.

55 Kam bek bambai, i kam bek bambai.
Liklik taim bai Jisase em i kam long skai.
Moabeta yumi redi, redi na wetim em.
Krais Jisas em i kam bek bambai.

- 56** Bihain yumi go long heven,
Bai yumi sindaun, na yumi sekan.
Nihain yumi go long heven,
Bai mi lukim yu na sekan.
Sapos pastaim God i laik kisim yu,
Yu lukaut long mi, bai mi kamap tu.
Bihain yumi go long heven,
Bai yumi sindaun, na yumi sekan.
- 57** Marimari bilong Jisas na sori bilong em,
I stap, em i stap wantaim mi olgeta de.
Marimari bilong Jisas na sori bilong em,
I stap, em i stap wantaim mi.
Bai mi sindaun oltaim long haus bilong Bikpela,
Na kisim kaikai I redi long mi.
Marimari bilong Jisas na sori bilong em,
I stap, em i stap wantaim mi.
- 58** Gutpela ples i stap nau,
Klostu tru long God.
Dispela ples i klinpela,
Klostu tru long God.
O Jisas Krai Bikpela,
Yu kam long ples b'long God,
Yu holim mi i stap nau,
Klostru tru long God.

59 Krais em i stap laip insait long mi,
I no laip bilong mi yet,
Krais em i stap laip insait long mi,
I no laip bilong mi yet,
Krais em i stap.
Em i stap laip insait long mi,
Krais em i stap laip insait long mi,
I no laip bilong mi yet.

- 60**
1. Papa God mi tok tenkyu long yu,
Papa God mi tok tenkyu long yu,
Mi tenkyu long Jisas helpim bilong mi,
Papa God mi tok tenkyu long yu.
 2. Jisa Krais mi tok tenkyu long yu,
Jisas Krais mi tok tenkyu long yu,
Yu bin ba-im bek mi, redim ples b'long mi,
Jisas Krais mi tok tenkyu long yu.
 3. Holi Spirit mi tok tenkyu long yu,
Holi Spirit mi tok tenkyu long yu,
Poroman bilong mi, strongim mi oltaim,
Holi Spirit mi tok tenkyu long yu.

61 Kam klostu, kam klostu,
Mi lai kyu karamapim mi – i long sori.
Long wanem, yu Papa bilong mi.
Kam klostu, kam klostu, kam klostu.

62 Yumi singim song long God bilong yumi.
Yumi singim song long God bilong yumi.
Litimapim nem bilong em antap antap moa.
Yumi mekim song long em,
God i gutpela tru.
Yumi stap klostu long em,
Na amamas long em.
Amamas long em.
Amamas long em, na amamas long em,
Na amamas, amamas, amamas long em.
Amamas long em, na amamas long em,
Na amamas, amamas, amamas long em.

63 God i gat biknem,
Litimapim nem bilong em.
Goap long maunten bilong God,
Insait long taun bilong em.
Dispela maunten bilong God,
Em gutpela na antap moa.
Manmeri bilong graun i laikim tumas,
Taun bilong nambawan King.

Nek: Great is the Lord (Psalm 48:1-2)

64 Ol man God i bin kisim bek ol mas kam,
Na amamas i go long Sion.
Amamas i stap oltaim long bel b'long ol.
Ol man God i bin kisim bek ol mas kam,
Na amamas i go long Sion.
Amamas i stap oltaim long bel b'long ol.
Ol bai i amamas oltaim,
Na hevi na kra-i bai i pinis.
Ol man God i bin kisim bek ol mas kam,
Na amamas i go long Sion.
Amamas i stap oltaim long bel b'long ol

65 Mi laik tok bilong mi na tingting bilong mi,
I ken orait long ai bilong yu.
Mi laik tok bilong mi na tingting bilong mi,
I ken orait long ai bilong yu.
O God, mi prea, O God, harim.
Mi laik tok bilong mi na tingting bilong mi,
I ken orait long ai bilong yu.

Nek: Let the words of my mouth (Psalm 19:14)



SONG BOOK

CRYSTAL INDEPENDENT FUNDAMENTAL
BAPTIST CHURCH,
WAU-WARIA

By JONAH ASKAI

Published and Printed by PNGUoT PRESS